

gnitate descendit, prouti ex verbis sequentibus clare liquet.

VERSUS 17.

Non intelligitis, quia omne quod in os intrat, in ventrem vadit, et in secessum emittitur.

1. — Theoplyactus verba illa hunc in modum exponit : « Dicitur igitur : Non intelligitis quod omnes intelligunt et sciunt? cibi enim non manent intus, sed infra exeunt per alvum et nullum hominem in anima coinquinant, non enim manent intus, cogitationes autem intrinsecus nascuntur et manent illic, et egredientes, hoc est, in opus procedentes, inquinant hominem. » Nihil etenim animam maculare potest, nisi tangat illam, « cibus autem non contingit animam, » ergo. Ita S. Thomas.

VERSUS 18.

Quae autem procedunt de ore, de corde exeunt, et ea coinquinant hominem.

1. — « Id est, ab intellectu et voluntate causatur, » inquit Dionysius Carthusianus; « quia ut ait Plato, ad hoc datus est nobis sermo, ut mutae voluntatis fiant iudicia. » S. Bernardinus porro pro nostra instructione observat, quod « inter omnia illa, quae a corde exeunt et de ore procedunt, hominem, imo totum mundum inquinant, sunt excreandae detractiones. »

2. — Porro per hasce sordes, haec coinquinant hominem, non materiales et corporales, sed spirituales intelliguntur, unde Dionysius Carthusianus ait : « Coinquinant inferendo maculam culpae. »

3. — Cajetanus dicit : « Declarat, quo sensu dixerit : Quod procedit de ore, scilicet pro quanto procedit a corde, hoc est, a voluntate. »

VERSUS 19.

De corde enim exeunt cogitationes male, homicidia, adulteria, fornicationes, furta, falsa testimonia, blasphemiae.

1. — S. Hieronymus ex hac propositione illam deducit consequentiam : « Ergo anima principaliter non secundum Platonem in cerebro, sed juxta Christum in corde est. » Unde S. Doctor pergit ostendere, qualiter magnopere reprehensibiles sint illi, qui demonem esse dicunt, qui nobis malas cogitationes et desideria imprimat : « Arguendi ex hac sententia sunt, qui cogitationes a diabolo immitti putant et non ex propria nasci voluntate; « diabolus, adiutor et incensor malorum cogitationum potest esse, auctor esse non potest. Sin autem semper in insidiis positus levem cogitationum suarum sentitiam suis fomitis inflammavit, non debemus opinari eum cordis quoque occulta rimari, sed ex corporis habitu et gestibus

« aestimare, quid versemus intrinsecus, verbi gratia « si pulchram mulierem nos viderit crebro inspicere, intelligit cor amoris jaeulo vulneratum. »

2. — S. Antonius de Padua cor hujus nostri corporis primum mobile primumque vite principium esse considerat : « Sicut enim cor est vite corporalis principium, sic et vite moralis, » adducit quamdam S. Augustini sententiam in libro de libero arbitrio attestantis : « Quod nihil habet rationem peccati, nisi quantum a corde et voluntate egreditur. »

3. — Sicut ex equo Trojano multi egressi sunt milites, qui civitatem illam in extremum redegere exterminium, atque in eos, qui dietam fabricaverant machinam, inhumanam exercere barbariem; ita quoque e corde nostro, seu ab amore et voluntate nostra tot derivantur affectiones pravae et appetitus inordinati, qui mortem animae spirituales et aeternam adseiscunt. Unde Chrysologus in sermone quodam, quem super Evangelium praesens conscripsit, ita ait : « Novus est hic ordo bellandi, de homine contra hominem gentes exeunt bellaturae. »

4. — Paulus de Palatio magnam quamdam inter Mosaicam et Evangelicam legem notat differentiam, dum ait : « Nota primo loco ponit cogitationes, licet Moyses in fine dealogii earum meminisset, « cuius ratio est, quia vita christiana maxime interioribus intenta est, contra Mosaicam exterioribus. »

5. — Facile igitur hinc discere possumus, quanti intersit monitum illud Sapientis, *Prov.*, *iv*, 23, attendere, dicentis : *Omni custodia serva cor tuum, quia ex ipso vita procedit.*

VERSUS 20.

Haec sunt quae coinquinant hominem, non lotis autem manibus manducare, non coinquinat homines.

1. — Paulus de Palatio maculae peccati turpitudinem ponderat, dum ait : « Contra infinitam maestatem ab infinita vanitate, id est, homine pro cedit, infinitum bonum auferit, Deum nobis pro pinguum, amicum, sponsum, fratrem et patrem exasperat, ut hostis sit noster et vindex. Si peccare vis, quanta sit haec macula, hinc intelliges, quia solo Christi sanguine, et non hircorum aut laurorum, purgari potest. » Haec macula pulcherrimum coelestis paradisi Angelum in horrendum mutavit titonem inferni.

2. — Optimum igitur et saluberrimum est illud Chrysostomi documentum, *Hom. LII in Matth.*, dicentis : « Discamus, obsecro, quanam ea sint, quibus tarpiter homines foderentur : discamus, oro, et fugiamus; » ubi ulterius absum jam paulo ante mentionatum, exponere pergit, quo in Eccle-

sia quoad corpus, mundi comparere satsumus, interioriorem animae puritatem parum admodum curantes. S. Augustinus ab Alberto Magno hoc loco citatus dicit : « Nimis appetitus munditiae corporalis sordes inducit mentis, et ablutio corporis nihil penitus conducit ad munditiam mentis. » Unde *Jerem.*, *ii*, 22 : *Si laveris te nitro, et multiplicaveris tibi herbam Borith, lamina maculata est cor meum, dicit Dominus.* » Deformis macula, quae anima humana unquam contaminata fuit, censenda

est iniqua illa condemnatio, qua Agnus ille immaculatus in medio duorum latronum patibulo adjuceus fuit suspendendus, et tamen Pilatus sententiam illam pronuntiaturus, manus suas prius abluere voluit, simul protestando, *Matth.*, *xxvii*, 34, dicens : *Innocens ego sum a sanguine justorum hujus. Vae vobis, qui mundatis quod deforis est calicis, inquit alibi in Matthaeo, xxiii*, 35, Christus de hypocritis illis, qui perfectionem et sanctitatem suam in frequentioribus ablationibus reponendam esse censuerunt.

FERIA QUINTA POST TERTIAM DOMINICAM QUADRAGESIMAE

EVANGELIUM LUCAE, CAP. IV, VERS. 38

38. Surgens Jesus de synagoga, introivit in domum Simonis; socrus autem Simonis tenebatur magnis febribus, et rogaverunt illum pro ea.

39. Et stans super illam imperavit febri, et dimisit illam; et continuo surgens ministrabat illis.

40. Cum autem sol occidisset, omnes qui habebant infirmos variis languoribus, ducebant illos ad eum; et ille singulis manus imponens curabat eos.

41. Exhibant autem daemonia a multis clamantia, quia tu es Filius Dei, et increpans non sinebat ea loqui, quia sciebant ipsum esse Christum.

42. Facta autem die egressus ibat in desertum locum, et turbae requirebant eum, et venerunt usque ad ipsum, et detinebant illum ne discederet ab eis.

43. Quibus ille ait : Quia et aliis civitatibus oportet me evangelizare regnum Dei, quia Ideo missus sum.

44. Et erat praedicans in synagogis Galilaeae.

VERSUS 38.

Surgens Jesus de synagoga, introivit in domum Simonis; socrus autem Simonis tenebatur magnis febribus, et rogaverunt illum pro ea.

Surgens Jesus de synagoga.

1. — Saluator noster in synagoga paulo ante daemoneum quemdam miraculose liberaverat, ac probe, ut Jansenius notat : « Protinus dicitur cum suis Christus egressus a synagoga; hic enim fuit mos Domini, ut fere semper cum miraculo aliquo inclarisset, turbis sese subduceret, contentus nimirum beneficisse, nec gloriae humanae cupidus, docens nos, ut bene mereri potius quam laudem venari studeamus. »

2. — Albertus Magnus ad mysterium recurrit, dicens : « Ecce synagoga, in qua praedicaverat, derelictio. *Jerem.*, *xii*, 7 : *Reliqui domum meam, dimisi hereditatem meam.* »

Introivit in domum Simonis.

3. — Dubitari hoc loco potest, quomodo domus illa domus Petri esse potuerit, cum ipsum in Beth-

saida natum fuisse constet, praeterquam quod ipse in Evangelio omnia deseruisse dicitur, *Matth.*, *xix*, 27 : *Ecce nos reliquimus omnia; quomodo igitur Evangelista domum hanc domum et habitacionem ipsius fuisse dicit? Salmeron in primis Bethsaidam Capharnaum vicinam fuisse respondet; adhaec dicit, domum illam ad Petrum spectasse, quia ad conjugem ipsius pertinebat. « Domus uxoris Petri vocatur ejus domus. » Lucas Brugensis dicit : « Domum socrus Petri, idcirco Petri dictam, quod quoties Capharnaum veniret, ibi hospitare. » tur. » Salmeron dicit : « In domum suam, id est, quae jam fuerat ejus, » quam posteaquam se Christi disciplinae subiecit, totaliter dimisit.*

4. — Enimvero dubium quidem non est, quia in opulenta illa civitate plures fuerint habitaciones longe capaciores et nobiliores illa, in qua Filius Dei hospitio excipii potuisset, ipse tamen praeter ceteris Apostolos suos honorare voluit. Unde S. Thomas, in *cap. viii Matth.*, ait : « Honorem intulit discipulis suis, quia noluit ire ad domum Centurionis, ivit tamen ad domum pauperis piscatoris. » Unde *Psal.* *cxxyvii*, 17, dicitur : *Nimis honorati sunt amici tui, Deus, nimis confortatus est princeps*

gat. Sciendum igitur est, quod tametsi Christus revera Filius Dei et promissus Messias esset, in sua tamen intentione demones mentiebantur: « Scilicet quod sciebant, » inquit Cajetanus, « ipsum esse Christum, tum quoniam dicebant mendacium, quoniam dicebant se scire quod dicebant; tum quoniam volebat testimonium ab illis; tum quoniam sciebant quod tentando hoc dicebant ad explorandum an ipse esset vere Christus. » Beda astuti hujus impostoris falsitatem hinc verbis nobis detegit, dum ait: « Improbis enim magister est diabolus, qui falsa veris sepe permiscet, ut specie veritatis testimonium fraudis obtexat, ex quo nobis datur intelligi, quod qui in predicando Christum vera falsis permiscet, omnino sint cohendi sicut heretici. » Verum quidem est, quod veritas cum majori applausu acceptari videatur, quando hanc ipsimet etiam inimici confitentur: *Inimici nostri sunt iudices, atamen Christus, qui scrutatur renas et corda, increpans non sinebat en loqui, quia sciebant quod dolos tota die meditabantur. Ego autem tanquam surdus non audiebam.*

10. — Euthymius, in cap. 1 Marci, ait: « Docuit nos, ne demonibus unquam credamus etiam vera dicentibus, nunquam enim vera loquentur, nisi ad fallendum, veritate quasi esca quadam utuntur. » Beda Christum hoc nobis monitum dare voluisse observat: « Ne quis dum predicantem audivit, sequatur errantem, improbus enim magister est diabolus, quia falsa veris sepe permiscet. » S. Antonius de Padua ait: « Ad amovendam ipsorum fallaciam, quia semper vera aliqua falsitate fermentabant. »

11. — Salmeron tempus nondum adfuisse opportunum observat ad Christi divinitatem divulgandam: « Quia nondum esset tempus hujus veritatis confitende, donec amplius progrediretur predicatio ejus et signa plura testantia Messiam ederet. »

12. — Dionysius Carthusianus aliud quoddam motivum adducit: « Addi potest, » inquit, « quod etiam ideo, ne sua passio impediretur; » quia si Judaei firma quadam et clara cum certitudine ipsum Filium Dei esse cognovissent, nunquam ipsum crucifixum fuissent, adeoque impedita fuisset humana redemptio.

13. — Sciendum quoque est, quod demones eo tempore in falsis simulacris sua proferebant oracula, a quibus gentiles totaliter dependebant; Christus igitur, ut Salmeron observat, « imponit demonibus silentium, in signum quod omnia demonum oracula suo adventu statim deficere deberent, et arescere, et muta reddi. »

14. — « Tacere jubentur, » inquit S. Antonius de Padua, « ad confutandum iniquos Phariseos, qui dicebant eum in Beelzebub principe demoniorum ejicere demonia; » vel etiam, estque

ejusdem Sancti opinio, « ad dandum nobis exemplum, quia ipse Dominus est superiorum et inferiorum, et noluit demonum obsequium, nec consequenter nos debemus velle. » Salmeron haec dicit adjungit: « Nolebat predicari a diabolo, « ne suspicio esset illum habere commercium cum demonibus. »

15. — Didacus Stella aliam quandam habet considerationem, dum ait: « Diabolus certo non sciebat Christum esse Filium Dei, sed tantum id suspicabatur, jussit autem ut tacerent, primo, quia unum dicebant et aliud credebant; » unde hanc deducit moralitatem: « Non vult ab eis laudari, quia aliud in ore, aliud in corde habent. » S. Athanasius, *Orat. 1 cont. Arian.*, advertit quod diabolus quoque loquebatur et sacris litteris, sed « lamen seque illis obstruatur est a Salvatore; si enim ea quae dicebat animo sensisset, nunquam excidisset et celo. »

VERSUS 42.

Facta autem die egressus ibat in desertum locum, et turbæ requirebant eum, et venerunt usque ad ipsum et detinebant illum ne discederet ab eis.

Facta autem die egressus ibat in desertum locum.

1. — S. Marcus, 1, 35, habet: *Dificulo valde.* Possunt autem duo hi Evangelistae facile ad invicem conciliari; siquidem hic de discessu Christi e Capernaum loquitur, S. Lucas autem de adventu ejus in solitudinem scribit, quando ait: *Facto autem die; ibique orabat, subjungit S. Marcus, Ecce, xxxix, 6: Cor suum tradidit ad vigilandum dificulo ad Dominum. Psal. cxviii, 47: Præveni in maturitate et clamavi.* Alia littera loco verborum illorum: *In maturitate, legit: Cum adhuc tenebræ essent.* Toletus dicit: « Deserta enim loca contemplationi eligebat; ad turbas autem et civitates, ut miser cordie opera et miracula faceret, sicque doctrinam confirmaret, se converteret. »

2. — Dionysius Carthusianus Christum duas ob rationes in desertum cossisse scribit. Primo ut nos applausus et gloriam mundi fugere doceret; tunc maxime cum aliquod magnificentem egerimus; secundo, ad institutum, commendandum ac confirmandum solitariae et eremiticæ vitæ secretum.

3. — Lyranus in quadam super hæc verba moralitate ita scribit: « Dans in hoc exemplum prædicatoribus revertendi ad solitudinem contemplationis post laborem prædicationis et ut gratias Deo agant de profectu præterito et se disponant de futuro. »

4. — Chrysostomus, *Hom. xviii in Matth.*, contemptui applausus et gloriae mundanæ insisit, dum ait: « Videsne iterum quanto studio fugat ostentationem? Nam cæteri quidem dicunt, demonibus

VERSUS 43.

Quibus ille ait: Quia et aliis civitatibus oportet me evangelizare regnum Dei, quia ideo missus sum.

1. — In hoc Christi loquendi modo S. Bonaventura multos Salvatoris virtuosos actus considerat: « Excluditur ambitio; non ille se ingerebat, sed illi quærebant; adulatione in hoc quod additur: *Quibus ille ait: Et aliis civitatibus oportet me evangelizare;* » non blanditur eis, sed ostendit æqualiter curare de omnibus; excluditur personarum acceptio, « quia erat predicans in omnibus synagogis. »

2. — Idem quoque Sanctus pulchre declarat, quod ad hoc, ut doctrina quæ docetur, accepta sit, multis sit opus circumstantiis: « Ad hoc autem, ut doctrina aliqua debito modo auditoribus fiat accepta, oportet quod sit immunis ab ostentatione, ambitione, adulatione et personarum acceptio. »

3. — Chrysostomus benignissimi Salvatoris erga omnes charitatem observat: « In eodem loco magis nendo poterat omnes trahere ad se, non tamen hoc fecit, præbens nobis exemplum, ut perambulemus; et requiramus preuenites, sicut pastor ovem perditam et medicus accedit ad infirmum. »

4. — S. Bernardinus in sermone quodam ait: « Et hoc quoque ad aliorum exemplum Doctorum, ut non quiescant, ubi se acceptos esse conspiciunt, imo quod nec permittant se detineri ab illis, sed memores sint aliorum locorum, » quia Marci ultimo, 20, dicitur: *illi autem profecti prædicaverunt ubique, Domino cooperante et sermonem confirmante, sequentibus signis.*

5. — Dionysius Carthusianus ex illis verbis: *Ideo missus sum,* egregie laudis motivum pro illis eruit, qui verbum Dei annuntiant: « Ex quo patet quod divinum et præclarissimum sit prædicatoris officium, cum unigenitus Dei propter illud exercendum se perhibeat missum. »

6. — Salmeron ait: « Noluit reverti Capernaum, ne increduli multa videntes miracula, postea atrocius punirentur et ut doceat Pastores quærerent oves perditas, ubicumque illæ sint. »

7. — Toletus Christum non dixisse observat, quod sibi ad alia se loca recipere necessum sit ad patranda miracula, sed ad predicandum et evangelizandum: « Aliis civitatibus oportet me evangelizare: Non dixit miracula facere, infirmos curare, obsessos liberare, sed: *Oportet me evangelizare;* hoc enim est ad salutem necessarium, non illud et quod Christus præcipue intendebat. »

eum præcepisse, ne dicerent quod ipse esset; « Matthæus autem dicit quod turbas removebatur, quod faciebat, partim nos docens, humiliansque, partim ne Judæi pestifero veneno invidiæ tabescerent, nos nihil prorsus ad ostentationem a nobis faciendum; etenim non corporum incommoditas cura sibi tantummodo erat, sed multo magis animarum salti providebat. » Noctu miracula patrâbat, ut illa sub tenebris absconderet, et dificulo se in solitudinem subducebat, ad gloriam et honores evitandos, quos omnes illi, quibus beneficia contulerat, sibi fuissent exhibituri; unde S. Ambrosius ait: « Non sanandorum copiam, sed jactantiam declinabat. »

5. — S. Bonaventura ait: « Illud autem iter in desertum et egressus de civitate significat egressum vite secularis et ingressum religionis. »

Et turbæ requirebant eum.

6. — « Populus etenim Christo magis adhæserunt, quam Primate Judeorum, ac Scribæ et Pharisei, quorum vel pauci, vel nulli secuti dicuntur hæc vice. »

7. — S. Bonaventura ait: « Excluditur ambitio; non ille se ingerebat, sed illi quærebant cum devotione. »

8. — Toletus ait: « Turbæ tot ac tantis beneficiis affectæ a Christo, qui infirmos eorum sanaverat; trahunt beneficia homines. »

9. — Didacus Stella ait: « Nonne vides quomodo honor eum sequitur, qui ab eo fugit? optime quidem umbra assimilatur, nam ab eo fugit, qui ipsam sequitur, ipsa autem post eum sequitur, qui ab ipsa fugit. »

Et venerunt usque ad ipsum et detinebant eum ne discederet ab eis.

10. — Toletus ait: « Laudanda est turbarum constantia, quæ Christum quæsierunt, donec ipsum invenerunt, hoc enim studium est perfectum, si bonum, quod deest, investigemus, donec assequamur. » Etenim postquam Deum invenimus, cum regio Propheta supplicandum nobis est dicendo: *Deus meus est tu, ne discesseris a me: Tenui eum nec dimittam,* aiebat sancta illa anima, *donec introducam illum in domum matris meæ;* multi invento Deo, illum in cordibus suis non constanter enfiodiunt, in statu gratiæ non perseverant, nec continuant in salutarium propositorum executione.

11. — Toletus ait: « Detinebant non solum sanitatum et liberationum cupiditate moti, sed etiam et quidem præcipue studio audiendi sermonem et doctrinam ipsius, ut verba Christi sequentia dicant. »

VERSUS 44.

Et erat predicans in synagoga Galilææ.

1. — Hugo Cardinalis ait : « Synagogæ Galilææ

« sunt congregationes secularium : quibus etiam
 « prædicandum est, quia bonis prædicandum est
 « et malis, ut mali ad bonum et boni ad melius
 « provocentur. »

FERIA SEXTA POST TERTIAM DOMINICAM QUADRAGESIMÆ

EVANGELIUM JOANNIS, CAP. IV, VERS. 5

5. Venit in civitatem Samariæ, quæ dicitur Sichar, juxta prædium quod dedit Jacob Joseph filio suo.
 6. Erat autem ibi fons Jacob. Jesus ergo fatigatus ex itinere sedebat sic supra fontem, hora erat quasi sexta.
 7. Venit mulier de Samaria haurire aquam. Dixit ei Jesus : Da mihi bibere.
 8. Dicit ergo ei mulier Samaritana : Quomodo tu, Judæus cum sis, bibere a me possis, quæ sum mulier Samaritana ?
 9. Non enim contuntur Judæi Samaritanis.
 10. Respondit Jesus, et dixit ei : Si scires donum Dei, et quis est, qui dicit : Da mihi bibere, tu forsitan petisses ab eo, et dedisset tibi aquam vivam.
 11. Dicit ei mulier : Domine, neque in quo haurias habes, et puteus altus est : unde ergo habes aquam vivam ?
 12. Numquid tu major es Patre nostro Jacob, qui dedit nobis puteum, et ipse ex eo bibit, et filii ejus, et pecora ejus ?
 13. Respondit Jesus, et dixit ei : Omnis qui bibit ex aqua hac, sitiet iterum.
 14. Sed aqua, quam ego dabo ei, fiet in eo fons aquæ salientis in vitam æternam.
 15. Dicit ad eum mulier : Domine, da mihi hanc aquam, ut non sitiam, neque veniam huc haurire.
 16. Dicit ei Jesus : Voca virum tuum, et veni huc.
 17. Respondit mulier, et dixit : non habeo virum. Dicit ei Jesus : Bene dixisti, quia non habeo virum.
 18. Quinque enim viros habuisti, et nunc quem habes, non est tuis vir ; hoc vere dixisti.
 19. Dicit ei mulier : Domine, video quia Propheta es tu.
 20. Patres nostri in monte hoc adoraverunt et vos dicitis quia Hierosolymis est locus, ubi adorare oportet.
 21. Dicit ei Jesus : Mulier, crede mihi, quia venit hora, quando neque in monte hoc, neque in Hierosolymis adorabitur Patrem.
 22. Vos adoratis quod nescitis, nos adoramus quod scimus, quia salus ex Judæis est.
 23. Sed venit hora, et nunc est, quando veri adoratores adorabunt Patrem in spiritu et veritate ; nam et Pater tales querit, qui adorent eum.
 24. Spiritus est Deus, et eos qui adorant eum, in spiritu et veritate oportet adorare.
 25. Dicit ei mulier : Scio quia Messias venit, qui dicitur Christus, cum ergo venerit ille, nobis annuntiabit omnia.
 26. Dicit ei Jesus : Ego sum qui loquor tecum.
 27. Et continuo venerunt discipuli ejus, et mirabantur, quia cum muliere loquebatur : nemo tamen dixit : Quid queris ? aut quid loqueris cum ea ?
 28. Reliquit ergo hydriam suam mulier, et abiit in civitatem, et dicit illis hominibus :

29. Venite, et videte hominem, qui dixit mihi omnia quæcumque feci ; numquid ipse est Christus ?
 30. Exierunt ergo de civitate, et veniebant ad eum.
 31. Interea rogabant discipuli ejus : Rabbi manduca.
 32. Ille autem dicit eis : Ego cibum habeo manducare, quem vos nescitis.
 33. Dicebant ergo discipuli ad invicem : Numquid aliquis attulit ei manducare.
 34. Dixit eis Jesus : Mens cibus est, ut faciam voluntatem ejus, qui misit me, ut perficiam opus ejus.
 35. Nonne vos dicitis, quia adhuc quatuor menses sunt, et messis venit ? Ecce dico vobis, levate oculos vestros, et videte regiones, quia albae sunt jam ad messem.
 36. Et qui metit, mercedem accipit, et congregat fructum in vitam æternam, ut et qui seminat, simul gaudeat, et qui metit.
 37. In hoc enim est verbum verum, quia alius est qui seminat, et alius qui metit.
 38. Ego misi vos metere, quod non laborastis ; alii laboraverunt, et vos in labores eorum introistis.
 39. Ex civitate autem illa multi crediderunt in eum Samaritanorum propter verbum mulieris testimonium perhibentis, quia dixit mihi omnia quæcumque feci.
 40. Cum venissent ergo ad illum Samaritani, rogaverunt eum ut ibi maneret, et mansit ibi duos dies.
 41. Et multo plures crederunt in eum propter sermonem ejus.
 42. Et mulieri dicebant, quia jam non propter tuam loquelam credimus ; ipsi enim audivimus et scimus quia hic est vere Salvator mundi.

VERSUS 6.

Jesus ergo fatigatus ex itinere sedebat sic supra fontem, hora erat quasi sexta.

1. — Ostendit his verbis S. Joannes, quantopere Salvator noster ab omni fastu, deliciis et vite commoditatibus alienus fuerit : « Ostendit nobis « Dominus a fastu et rerum abundantia, » inquit Theophylactus « alienum fuisse, non enim jumentis « utebatur ad iter, sed pedes ibat. »
 2. — Nimirum ostendere voluit se carnem humanam assumpsisse una cum infirmitatibus suis. Interlinearis ait : « Suscepit enim omnia quæ sunt « nostræ infirmitatis, sine peccato. » « Ex quo, » inquit Lyranus, « apparet veritas humanæ naturæ « ex infirmitate. »
 3. — S. Augustinus, tract. xv in Joan., scribit : « Invenimus Jesum fortem et infirmum ; fortem, « quia in principio erat Verbum ; infirmum, quia « Verbum caro factum est. »
 4. — Dionysius Carthusianus mysticæ hujus fatigationis Dei illius, de quo David, Ps. xvii, 1, dixerat : *Diligam te, Domine, fortitudo mea*, rationes aliquas hisce verbis adducit : « Astuavit et fatigatus « est, non ex necessitate, sed propter multiplices « causas. Primo, ut susceptæ carnis, atque indutæ « a se humanitatis veritatem demonstraret. Secundo, « ut sua fatigatione nobis requiem mereretur « æternam, gratiam quoque copiosam in sæculo « isto. Tertio, ut nos ad fortem atque æquanimum

« Sanctorum laborem et fatigationum tolerantiam « animaret, sicut et alibi loquitur : *Venite ad me « omnes qui laboratis, etc.* »

5. — S. Augustinus, *Serm. xx de temp.*, ait : « Tunc fatigatur Christus, quando nullam virtutem « in suo populo recognoscit, hodieque fatigat eum « inobedientia nostra. » Verumtamen, ut verum fateatur, quod si peccatum aliquod Filio Dei aliquam, ut ita dicam, fatigationem conciliat, illud vel maxime contingit, quando animam aliquam carnis vitio immersam, qualis illius Samaritanæ erat, ad salutis statum perducere salagit ; nam ut est apud Oseam, v, 4 : *Non dabant cogitationes suas, ut revertantur ad Dominum, quia Spiritus fornicationum in medio eorum.*

6. — S. Bernardinus de Senis, *fr. ii, Serm. xxxi*, dicit : « Tunc fatigatur Christus, quando mulier « Chananaea affectione fervens, sollicitudine quærens, clamoribus petens, filiam, id est, animam « suam salvari deprecatur et nihilominus Jesus fugit, « obmutescit et spernit velut canem, et eam quoque « dammodo abhorreere apparet, e contra hanc Samaritanam insectari videtur etiam suis inspirationibus renitentem. » Huic autem difficultati responderi potest Christum Dominum nobis in Chananaea conditione declarare voluisse, quas in anima orante exposcit ; in Samaritana autem zelum adumbrare voluisse, quem in lucro animarum errantium habere debeamus. Ecce etenim qualiter Filius Dei ad instar solliciti et viscerosi amanti